

卷之四



新刻石室先生丹淵集卷第十一

文同著

詩五十四首

二年十陵陽不見中秋月

陵陽亂山中陰雲日夕發晴光尚希見况復求夜月  
二年逢中秋曾不識皎皦煙雲爾何事常作此蓬勃  
纔令薄中明已遣濃處沒群邪利幽暗左右覺窸窣  
清光若蒙蔽誰爲我磨拂庭下倚高株露華霑鬢髮

夜敲耳

秋風動衰苔早撼撼響夜月其下有鳴蛩到曉啼不歇



乃知搖落時衆籟自感發安得苦吟人不能爲一呖

送孤僧惟照

學成九章開方訣誦得一行乘除詩自然天性曉絕  
藝可敵國子應吾師牕前橫榻擁爐處門外大雪墜  
屋時獨翻舊局辨錯著冷笑古人心許誰

送喻介夫

介夫陵陽奇男子節義素爲人所談身長七尺氣萬  
丈自謂流俗誰能其去將舊學中新格坐抑高第如  
手探明年西歸有光耀且請爲我來山南

飛泉山寺

東城兀高峰爽氣浮翠微霞光射巖壁中有寒泉飛  
上方金僊家煌煌啟雙扉攔干出雲表目可了四圍  
我來久不下幡影移斜暉風吹月中挂天香滿人衣  
遠渚鳧馬落前嶺牛羊歸尚此戀幽勝不能手聊揮

山雨

山雨灑春城淅淅聲頗急牕下讀書人橫編揭陰濕  
高鳶餓獨叫遠燕寒雙入南園有桃李盡抱群梢泣

送牟太素山人

山人高迹若孤雲聊問太虛來所止昨因隨風起西  
北翩然遠墮三隅裏攬之不住瞥爾去瞬息誰知幾



千里東遊天定遇鴻濛請問無爲寂深旨

送龐中秀才

曼倩學精知蜥蜴公明術妙識蜘蛛臨叩復有龐成  
叔萬事元將入卦圖

送興効樂天

君莫學初虞卿奉李宗閱宗閱權勢豈能久君莫學  
劉栖楚兩李逢吉逢吉祿位寧長守雖然一時身暫  
好其柰千古名常醜丈夫讀書要知道所信不篤被  
其誘大張富貴作羅網愚者紛紛以身就左纏右繞  
不可脫誅竄還當逐其後君不見虞卿須遇李固言

君不見栖楚終遭帝處厚一朝摧折靈氣盡龍如蛇  
兮虎如狗勸君聖賢術內好潛心勸君邪佞黨中休  
入手豈不知潞州處士田佐時喚與美官嫌不受

遣興三首

惻惻抱伊鬱試此登崔嵬陰風吹繁雲黯黯蒙泰霄  
關河眇無際節物何蕭蕭過鴈安所之驚哀翻沈寥  
幽懷滿如天隨此群草凋嗟予生胡為迹玷明盛朝  
服職詎云補赧然綴群寮感此四序遷一昏復一朝  
寒霜入兩鬢漸積不肯消良辰乖所遇慨嘆心魂飄  
賤稟迂且介於時信無庸欲適閑所之此道當何從



富貴諒非有，僻陋知可容。豈不媿上恩，耗此釜與鍾。  
昨歸得此州，滿眼皆亂峯。事物固瑣碎，敢茲任頑慵。  
報國祇自明，惟神諒其胸。

其二

少小事編簡，淵源極沿洄。不自測其深，津涯信悠哉。  
既長務脩省，日以德義培。一匱敢中畫，期之至崔嵬。  
振纓仕明庭，鴛鴦吞遊陪。寒脩無嗣者，誰可吾與謀。  
吐艷落晚春，鶯然抱枯芟。因人寔自耻，寂寞余敢哀。  
何當清冷泉，襟裾濯氛埃。故山有松菊，待賦歸去來。

其三

連陰不肯解，山霧嘗霏霏。積潤日已滋，厭泥沾人衣。  
展轉厭早起，隔牕問晴暉。幸聞太陽出，身體輕欲飛。

中秋夜坐遣興

素紈不搖風，滿襟露氣中。夜寒相侵子，懷浩然杳莫。  
寄伴月直到青天心。

臨闕閣

絕壑逆朱檻，高林拂畫楹。卷簾千嶂遠，入座一川平。  
蜺絲綠雲斷，霞光射水明。不須誇曠望，爲語謝宣城。

野逕

山圃競秋色，林亭近晚晴。禽蟲依月令，藥草帶人名。



排石鋪衣坐看雲緩帶行官閑惟此樂與世欲無營

寒蛭

山月滿地流金波寒蛭向秋鳴更多大都時節使如此止爾不得將柰何

辛亥孟秋戊子有虹下天繞飛泉山入東谷飲古泉良久去作大雨咄之以詩

長虹落天帔萬丈截群嶺幡身下深谷頰首飲古井居人莫之指况復敢引嶺幡然繞空去雲霧變俄頃乾坤爲之黑噴雨極暴猛崩流匯溝瀾巨漲沒四境民田一漂蕩多稼不可省此物蓋蟲類聞亦具頭頸

淫沴之所生詩傳載為青朝西暮東出輒與日對影夫何此凶孽得使乘時逞高風掃寥廓一帚昏穢淨煌煌太陽起隙穴被光景群陰逐海內此物應遠屏

寄何首烏丸與友人

此草有奇効嘗聞於習之陵陽亦舊產其地尤所宜翠苔走崑壁芳叢蔚參差下有根如拳赤白相雄雌斲之高秋後氣味乃不虧斷以苦竹刀蒸曝凡丸為夾罌下香屑石密相和治入曰杵萬過盈盤走纍纍日進豈厭屢初若無所滋漸久覺膚革鮮潤如凝脂既已鬚髮換白者無一絲耳目固聰明步履欲走馳



十年親友別忽見昏生疑問胡得爾術容貌曾莫衰  
爲之講靈不備爲世俗知蓋以多見賤蓬藿同一麝君  
如聽予服此語不敢欺勿信柳子厚但誇仙靈脾

霜栢亭試墨

山風吹早晴袂服覺微凜煙雲有佳尚竹石得幽稟  
閑心覆舊局晚閱試新品幾欲賦郊居奇詞未如沈

閱史感事

世間諸味已全疎惟愛縑緗似蠹魚名霸者來爲御  
史姓閔人去作尚書晉師嘿嘿魯何害楚客昂昂只  
自如安得漢陰歸抱甕滿園青甲灌新蔬

富春山人爲予道其所獲石於江中者狀甚  
恠偉欲予作詩言若可得持歸刻其上當相  
與傳無窮余夜坐平雲閣是時山月清凜啼  
蟲正苦余因此景物索筆硯爲山人賦之

奇礪噴坼倚秋江俗眼過幾多所忽風霜鍛鍊愈堅  
重怒浪噴激不可沒富春山人好尚古見此便以作  
吾物鑄鏡牽挽置庭下犀角鯨牙蛟蜃骨精金凝滑  
露筋脊老玉礫砢開竅窟狂螭奔拏勢夭矯猛兕搏  
王氣蓬勃山人誇我謂如此欲我詩之慙拙訥何當  
走到山人家撫月摩煙觀突兀



平雲閣偶作

陵陽郡事全稀少，嬾守長羸半日閑。  
閣就中無厭是雲山，閑晚後須來上高

聞陳山人定命丹成試以詩乞

水火扣交養，大還已聞神。汞滿爐乾，  
汞肪穀漆尋常得。敢服靈丹二萬丸。

厭蟲

月出松塢明露下，蓮塘清今霄好。風色獨逸林下行，  
百蟲爾胡爲嘖嘖。饒秋聲求靜不能得，我詩何由成。

新晴山月

高松漏疎月，落影如畫地。徘徊愛其下，夜久不能寐。  
怯風池荷卷，病雨山果墜。誰伴予苦吟，滿林啼絡緯。

送堯夫二章

有志深沉定，無心出處同。廟堂應爲國，臺省復還公。  
肖似家聲重，端方士論雄。上如留左右，風采壯朝中。

其二

欲與民爲利，先求正妨紛更。初下議旁午，遂交章不爾。  
毛安傳其如體，自傷西南餘弊在。歸爲對明光。

秋日田家

淘漉溝源築野塘，滿坡煙草臥牛羊。今年且喜輸官



辦豆夾繁多粟穗長

二色芙蓉

已下五首和  
吳龍圖韻

蜀國芙蓉名二色重陽前後始盈枝  
畫調粉筆分粧處繡引紅針間刺時  
落晚自憐窺露沼忍寒誰念倚霜籬  
主人日有西園客得爾方於勸酒宜

洗竹

斤斧從來到此稀為撩疎密透藩籬  
已繁不用饒新笋縱礙何妨惜舊枝  
風外清音聞曲閣月中寒影下方池  
想公日在琅玕逕正是棠陰訟少時

琅玕逕在西園

名池

明堂肆赦不得預觀感而成詩

季秋陽館事嚴裡能饗洪惟上至仁  
游廟衣冠參帝坐侍祠簪佩儼星辰  
歡聲被寓和於律協氣流天藹若春  
卽見陪鑿千萬祀豈長如此在遐垠

經史閣

自持金節此為州小善何嘗不見收  
更起麗譙連石室盛藏縑帙擬蓬丘  
師延舊德皆高誼士集他邦盡久留  
當念河南嚮儒意莫教弦誦少時休

有懷致政景仁侍郎

一生名籍占風流為識莊環可自由  
几杖未銷容早



退廟堂將近肯中休有人把酒思高節何處揮毫詠  
素秋故國岷峩最佳絕幾時歸伴赤松游

吳公惠酒因謝

山城物色正嚴冬梅放長梢露小紅破萼未深聊敵  
雪收香不密任隨風儘教種滿金釵上休管吹殘玉  
笛中須至開筵召佳客爲公連夜賞郢筒

登陵陽雲山閣寄上吳尹

雲山高閣倚危墻晚意無窮在渺茫極望不知雲幾  
許滿空誰見鴈交相與誰把酒邀明月獨自吟詩到  
夕陽因念平臺有佳興卻生枚叟奉梁王

和寄白聖均

年來雙鬢已絲絲頭角任摧羽翼聖無命不窮常自  
笑有謀皆拙敢求知榮途謾說居三館僻郡還甘守  
一麾賴是山城好風物不能逢子共吟詩

和提刑郎中閱兵之什

曉營金革列周遭大纛長牙擁帳高虎豹用韶傳妙  
略龍蛇共陣後群豪言初撫處如蕭續恩盡均時若  
楚醪敢謂施行剪諸盜亡之纔比一牛毛

晚坐山亭口占

嶺上生來月似磨崑崙斷去雲如削遙聞褐吏叩高



林應是雷公催采藥

送王晦叔

豈無舊德為清望亦有彊親在要流班簿至今纔博  
士郡書猶自許諸侯貧甘遠宦冰盈腹老憶高堂雪  
滿頭不恃交期便求去趁歸春圃奉蘭羞

重送

一生自守至如此惟道外皆非所親顧已通塞盡有  
命是身可忍求因人

又六言

鷺尾歸艖正穩鴨頭春水方深不得同搖楚掉與君

齊到山陰

登山亭

登臨平楚外徙倚夕陽間歸鳥亂飛葉暮雲凝山行  
知筋力倦愁欲鬢毛班坐久成搔首疎慵好強顏

文領相仍意慮煩濁聊携野策獨訪山園因  
覩霜栢亭殘梅憶公向時有詩酒之惠感物  
成詩繕寫拜呈知府龍圖諫議吳公

昨日梅開飲公酒今朝梅謝念公詩眼前光景急如  
水案上簿書焚若絲且試輟忙來此地可憐遺恨滿  
殘枝西園想已成青實敢問調羹去幾時



依韻和張推官元夕

山即上元榮樂事大開金地作遨場煙雲向曉誰教  
霽燈燭乘春自有香紫陌熒煌隨步遠綵棚佳麗闕  
眉長遊人莫惜酬高直買取銀蟾一寸光

小閣戲書

閑揭新刊集時裝舊窰香還如到茂灌無物在牀旁  
伐枯株

層崖垂空石壁牢上有大木百丈高古荔全身累鐵  
甲頑薑滿腹鋪金毛空根老蟒露擁腫曲拚恠鴿手  
呼嗥一朝壯士揮巨斧無限隨死蓬與蒿

可笑口號七章

可笑庭前小兒女栽盆貯水種浮萍不知何處聞人  
說一夜一根生七莖

其二

可笑陵陽太守家閑無一事只栽花已開漸落并纔  
發長作亭中五色霞

其三

可笑此公何太惑讀書寫字到三更也知學得終無  
用自肯辛勤比後生

其四



可笑生平事迂闊向人不肯強云云到頭官職難遷  
轉一似城南蕭次君

其五

可笑為官太微幸養愚藏拙在深山君看處置繁難  
者日夜經營心不閑

其六

可笑兒孫亦滿眼朝朝庭下立參差謂言飽讀詩書  
去憔悴如翁亦好為

其七

可笑山州為刺史寂寥都不似川城若無書籍兼圖

畫便不教人白髮生

近日

近日簿書金簡少吏人惟趨兩衙休歸來便只尋冠  
履遠遍林亭山上頭

十一卷終



新刻石室先生丹淵集卷第十一

文同著

詩五十首

送知府吳龍圖

國初已來治蜀者處置盡自乖崖公當時奏使便宜  
敕不與天下州府同行之已及八十載姦宄消伏誰  
之功因循至此漸抗敕有未曉者時相攻鞭笞小罪  
亦檢察不許略出常科中下民知之頗不懼州縣往  
往藏群兇側身欽足未動者實以累朝恩澤隆公之  
初來蜀人喜慈愛舊熟民情通衆心歡然恥犯法抹



藥浮簿歸醇醲盡將約束付僚吏興起學校還文翁  
二年美化極沾洽遠近循服如偃風上將歸公問誰  
代當使間作如笙鏞遂來元老得青社其人廊廟之  
宗工往年鎮撫有異績大旆再遣來於東公今與之  
合符去到又奉詔參夔龍大資舊德固無慮剖判自  
出其心胸所憂厥後嗣之者忠定良法還如空養頑  
活狡作淵藪不免剪殄煩興戎同之憤懣久填臆言  
賤不得通九重願公上殿起居罷第一用此聞宸聰

送通判喻郎中

前年為郡得陵時不請其州陋如此蕭條官宇崑嶺

上零落民家坑谷裏西城初入已可厭竊謂豈堪余  
所止幸逢之彥倅郡事日月漸深殊可喜予之所稟  
至迂謬君亦恬然尤自委每來聚議一朝罷各去掩  
門歸隱几雖然有時亦為會此事可知誰得已酒肴  
麈尾妓樂可况復饒饒滿公使惟於試茶弁看盡以  
此過從不知幾幕中有客乃佳士愛遣高談聽疊疊  
如斯共處五百日索寞情懷未嘗起君今官滿忽先  
去搔動予愁安可捉英溪長亭一揮手自此吳蜀五  
千里謂言川江會北固中亦有船多上水願君因出  
到金山遇此莫忘批紙尾



送通判喻郎中 二首

晴霞照西城漠漠卷宿霧高空繚危磴此乃君去跡  
吳蜀向萬里上馬初一步莫言道途遠况已差久寓  
今茲有行色便可到北固長亭聊把手幾日更逢遇  
不敢醉君酒君意實急遽惟是送君心相隨亦東鶩

其二

群居五百日日如初見一日忽遠別能不成愴戀  
人生三萬日光景若激箭何若於其間喜且費顏面  
茲緣勝心在胸內每交戰既欲多上人計校須自銜  
於事固無補在已亦非便仕路繁此徒可謂丈夫賤

愛君性渾厚殊不與時變相共為此州敢說皆盡善  
何嘗分彼此惟務乃職辦所以得二年無有長短辨  
為人倘如此所至復何患官滿去還臺豈能忘眷眷  
陽關調雖苦且盡西城宴問君到京國幾月方下汴  
予亦想是時移守至梁甸佳音幸見及西南足郵傳  
山城秋日野望感事書懷詩五章呈吳龍圖  
原隰蕭條草木衰倚風渾類楚人悲便成孤憤終何  
事且寄遙懷對此時千里暝陰雲沓靄一川寒影鴈  
參差登臨自不宜羈旅更敢憑高賸作詩

其二



已是秋陰更夕曛亂山高下起寒雲危樓願見客何處遠笛不知人厭聞身外流年波渺渺眼前生事業紛紛此愁萬斛誰量得直為重捻庾信文

其三

才力雖難敵楚騷賦詩常亦在秋多自然野思原無限不爾閑愁可柰何要路故人皆廢忘偏州佳客少經過明時且為貪榮祿豈學湘纍便久歌

其四

崑谷兩餘生晚煙高城危閣坐蕭然側身仕路本誰使回首家山空自憐遠信斷來從過鴈苦吟多後敵

鳴蟬郡齋有客唯莊叟常與高譚內外篇

其五

早是蓬山預校讎起居常赴殿東頭山鵲驚擁陛聯簪笏日月開天拜冕旒一出光陰銷遠郡兩形篇什詠清秋有人更在楊莊上文似相如肯見休

東丘老人

東丘老人眉有毫皮肉光潤牙齒牢自云新年九十九鬚髮白者無一毛問之吾術本無有烹津納息徒嘈嘈莫將元氣佐喜怒自然所得春秋高吾嘗行之五十載此事至易曾不勞飲之以酒謝使去手足輕



利如猿猱嘗聞唐人柳公度八十許歲精力豪其言  
與人亦如此老人無乃斯人曹

送堅甫同年 五首

堅甫神太清不謂久流落別來二十載論議轉深博  
其中富所有種道以文獲鋪張講治亂破若勁弩破  
衆人誚青衫可笑俗眼薄蘭筋隱瘦骨重耳受羈絡  
拳攀喙拄地過者無伯樂去蜀持底歸雄豪滿壞臺  
朝辭玉壘閣暮上石櫃閣知子者云誰獨我懷抱惡

其二

得數常竒懶下籌肯來荒徼治累囚三年笑別浙江

遠萬里吟歸岷嶺秋趙壹囊空常骯髒虞卿書就愈  
窮愁妬香回臭都休問未有林泉且宦游

其三

春深行劔棧羨子此時歸照日江浮馬迎風花聚衣  
下程家累省對景俗題稀若遇西來客書言不可違

其四

春風吹雪滿西窓此夜無人對酒缸若到杭州見蘇  
子爲言常夢過松江

其五

華亭有珍禽毛豐而骨細他日上隋渠爲我致清啖



送李道士歸

先生狀貌古瘦健若老鶴秋風唳清霄寒響滿寥廓  
一腹冰雪詞勿為俗人作便可住鵝池乾死守崑壑  
師厚還朝

聞公之名三十年常恨與公不相值豈期今乃出門  
下每一見公心自醉詞章豪蕩已難敵辨論注射尤  
可畏諮詢故事要蔣人講正大體須賈誼荆山拾玉  
抵乾鵲虞坂裝鹽墜良驥用人最忌非所宜願莫使  
公嗟俗吏

牽牛織女

桂陽有仙人姓名武丁胡為隋人世  
人惟識其形一日語其弟吾將返青冥  
乃曰此七夕上天呼群靈織女欲渡  
河暫詣牽牛星諸仙盡還宮天路羅  
雲鞞吾亦向祈召當往不得停第問  
何時還答云三千齡明日失丁在恍  
惚迷所經後世凡此節兒女喧家庭  
縱橫具絨鏤荅菓排甘馨貪巧但云  
得欲窳魯莫寧俗尚每恠妄吾言誰  
見聽

金鳳荅

荅有金鳳為小叢秋色已深方盛發  
英英秀質實具體文采爛然無少缺  
纖莖翩翩翠影動紅白紛亂如



點纈誰云脆弱易飄隨自卯至翼亦數月美人形相  
欲摹畫巧不得施暫自拙鋪茸剪綵轉難似只把長  
條恣穿結眼前草木盡零落憐爾開於此時節常疑  
一如尔見老性命所繫不忍折君不見昨夜雨今朝  
風一隊驚飛返丹穴

亭前高栢

石田硤硤地力燥誰種雙栢已高大長林天矯堪巨  
棟老頂榮紆若層蓋雪下孔翠寒不起風中笙篁清  
可羨菟絲幸好求女蘿莫倚纖柔欲無賴

凌霄附栢

古栢蒼蒼倉高入雲凌霄萬朵擁其身有如巨君染須  
髮新娶社陵佳麗人

謝黃森惠詩并草書黃蘭溪

南蕲黃夫子生平氣凜然吟詩舊有癖寫字近方顛  
可惜空山老須為後世傳蘭溪脩楔否願續永和年  
東齋悶書

讀書已無効何用轉勞苦閑齋幸無事日共古人語  
古人議論好善惡皆有補舍此欲奚為惟應睡滿午  
寒食感事呈同官

三月八日值寒食陰霾蔽空不肯收北園卷木殊未



動到處哭雨惟鳴鳩吾曹可憐愛薄宦耳此寂寞來  
山州酒肴有無更莫問逢遇相與清談休

惜杏

北園山杏皆高株新枝放卷如點酥早來其間有啼  
鳥兒女盡識名提壺急教取酒對之飲滿頭亂種紅  
模糊可憐後日再來此定見隨風如錦鋪

讀蔣都官畫像記

蔣為宋康軍判官  
甲午之亂死於賊

聞昔妖氛滿巴蜀所臨州縣偃如風其城陷者盡從  
賊以義死之惟有公節與岷山高莫敵名隨阜水注  
無窮蘭臺秉筆今誰氏舍此何由壯史功

題黎公照序訓堂

常愛三峨臨古郡君之別業在其城近營大第當高  
處更起新堂立美名滿外江山皆秀絕入中文史自  
縱橫如何置得烏尤住相與談經過此生

朝陽亭

峩峩乎守居已與前峯對朝陽乃危榭更在守居外  
煙雲一川滿林麓三山會近檻有胡牀無忘微公退  
觀風閣

危閣覆高林晚步聊從倚東南兩峰斷空闊見萬里  
茫茫落霞外冉冉孤煙裏忽暗識歸雲乍明知積水



風從半天下月向平地起夜久殊未還  
峩冠露盈几

山池

偏側蒼苔地依和白石池數枝紅菡萏幾尺碧漣漪  
魚鰲爭香餌兒童簇釣絲  
麥來芳蔭下每日日西時

憶西湖舊遊

西湖晴碧晚溶溶與客常來坐好風記得有人歌  
小玉月明猶在畫船中

再送師厚

久使西南此召還鹿頭東去漸雲山莫嫌策馬經燒  
棧正好題詩到散關財利文書猶絡繹邊防田地已

朱啟奇謀不吐將何用况是歸臨咫尺顏

平雲閣觀雨

黑雲漆天雷破地風卷雷射雨傾瀉噴崖倒壑恣頽  
蕩咫尺不可辨牛馬鷄豚已見逐高浪禾稻應須沒  
平野莫言魚鼈走堂厨且看泥沙漫屋瓦

不雨

陵陽官居遇久旱發喘渾如起新病已驚赤日晨可  
畏更恨炎風午尤盛徒嗟禾黍盡焦落無奈蠅蚩轉  
豪橫安得神龍駕九霄大霖滿傾如倒井

久雨



寒鳩劬劬屋上鳴欲使此雨何時晴山中有客抱幽鬱日日起望東方明今朝晚霞發光焰喜盃再拜當西楹須臾雲陰又蒙沒遣我滂淚流沾纓

山園

久雨無所適新晴步山園西風滿高林敗葉驚已翻時節急如此世事安可論夜歸燈下吟寒蟲伴幽喧

石泉

儼儼盤石壁拆穴中流泉斷崖散激激曲竇藏涓涓蓄潤活古蘚烝虛發晴煙時懷一勺惠使我心冷然史少訥見許江豚未得以詩戲

霜重水落岸有冰江豚乘寒弄晴日搖波拍浪乍群起尾厚喙長鬣鬣赤魚人清曉橫巨舟一舉大網凡數頭想君盤筯已厭足何不略遣來陵州

北園梨老

寒食北園春已深梨老滿枝雪圍遍青春每向春外得秀艷應難月中見苦嫌堯李共妖冶多謝松篁相葱蒨黃鸝紫燕莫過從時有一聲拖白練

華山二首

崑頭漠漠衛卿雲谷口紛紛張搭霧安得鉤梯上石龜欲看明星洗頭處



其二

石蓮峩峩橫紫霄中  
鴻萬丈銀河水  
安得大箭長八尺  
欲與天神博於此

黃崖洞

黃崖大洞埋古雲  
入去所履平如席  
其中玉髓盡可食  
只恐歸來變為石

師魯推官惠茸蔗戲謝

滿節茸滋滲齒寒  
醍醐誰與釀琅玕  
不知佳景何時入  
試似前人取倒飡

寄呈溫江安寺丞

高崖古驛荒涼甚  
過客何常住  
久之獨有門邊君  
寫處每來無不讀  
多時

嘲任昉

幸自文章亦可憐  
不消一事已為賢  
何如却逐蚩兒去  
忍恥更來王亮前

袁術

四代司空倚世勞  
可嗟不肖事姦豪  
妄云名字與識合  
直欲起應當塗高

偶成

僻陋為州恥不才  
偃然空見兩星回  
祇應歸舉謚言



日三府諸君口畫枚

即事

公禮欲下格具觀人所存須知范孟博豈肯伏陳蕃  
薄命女

夭夭東鄰姝艷色如春柔去嫁不得偶羅衣空自羞  
輕埃掩菱花不分鉛華休回首視庸奴寂寞還卷衣  
子平寄惠希夷陳先生服唐福山藥方因戲

作雜言謝之

蜀江之東山色盍如赭有道人云此是丹砂伏其下  
煙雲光潤若洗濯澗谷玲瓏如刻畫我聞神仙草藥

不在凡土生是中當有靈苗異卉之根莖果然人言  
所出山芋為第一西南諸郡有者皆虛名就中唐福  
衆稱賞肥實甘香天所養有時崑頭倒垂三尺壯士  
臂忽然洞口直舉一合仙人掌土人入冬農事闌千  
篝萬鍾來此山可憐所鬻不甚貴着價即售曾不慳  
往年子瞻為余說言君所部之內此物尤奇絕後復  
寄書勸我當餌之滿紙親題華嶽先生訣予因構之  
不惜錢依方服餌將二年其功神聖久乃覺筋牢體  
溢支節堅自問丹霄幾時上早生兩翅教高颺塵世  
如帑不可居待看鴻濛對雲將

十二卷終



新刻

石室先生丹淵集卷第十三

文同著

詩四十四首

李太尉固

昏霧翳紫壺橫霓勢光大妖威集凶冀忍穢實中賴  
姦鋹日增剡誰汝觸取害驕根愈自固所植利孱昧  
容容彼群輔竄伏皆鼠輩側視况未敢肯復形嘆慨  
太尉漢中士氣引八蓋外岌然處大麓天下聳風采  
自開黃餠禍賊意已莫快移書瀝憤瞻語激益睚眦  
罹寬卒用此數與六九會基茲被沈酷燹免乃天貸



高忠揭萬古宇宙莫能載垂晶耀簡策糞土視廣戒  
歸來奠壙境祠豕茲儼在宏垣敞深豁巨木森曠曠  
神靈皎如日過者知再拜同愚忝郡寄公里曰境內  
心期款舉像所顧官有礙精衷託明酌舉手向東酹

趙壹

壹也本西縣狀自徒磊砢其才固難得行有所不可  
世人詎能掩而爾輒自我既慾焉得剛所守實未果  
抵罪當至死其中遂水火一為人所活上賦何瑣瑣  
為文好譏罵惡吻事拙籤逢陟與規輩次第滋爾禍  
無成困鄉里低僵老愈叵何煩遣相視器識自公麼

余因守漢中作詩揭墓左勸君莫學壹學壹終坎軻

張騫冢祠一日災冢

中梁山麓漢水濱踞側有墓高嶙峋叢祠蒼蔚蔽野  
霧榜曰博望侯之神當年寶幣走絕域此日鷄豚邀  
小民君不見武帝其心事遠略靡壞財力由斯人

駱谷

高峯偃蹇雲崔嵬層崖巨壑長峽開龍蛇縱橫虎豹  
亂古棧朽裂埋深苔行人側足恐懼過飛鳥欽趨哀  
鳴回君不見德宗注意用姦慝大駕從此蒼黃來

慈濟院雙楠



雙楠高聳綠氤氳密葉長柯蔭四鄰佛現寶幢經幾  
劫天開雲帳待何人護持又有諸賢聖觸犯寧無惡  
鬼神竹囑寺僧常灑掃莫令向下有纖塵

觀音院怪松

怪松屢見無如此每度來觀說向僧若遇風雷宜守  
護恐生頭角便飛騰秋聲送殿隨齋罄夜影侵廊對  
佛燈帝偃畢宏今不在欲求人盡有誰能

江原張景通善頌堂

庭前雲蓋碧嶢嶠堂上先生雪滿髯說藥客來聊下  
榻謁齋僧去便垂簾種時法好茶難謝買處錢多石

易添子舍光榮身壯健只將香火事華嚴

雲蓋堂  
下石銘

夏夕

池館蕭然夜欲分蒲林蟲鳥寂無聞風吹松子下如  
雨月照荷卷繁若雲泉作小灘聲浙瀝筍成新竹氣  
氤氳清陰正覆吟詩石更引高梧拂練裙

寄宇文公南

自文州曲  
水令棄官

彭澤長謔便歸去君辭曲水亦其徒一官何藉五斗  
米二子况管千里駒懶對俗人常答颯厭聞時事但  
盧胡從來綿紉賢者惟是楊雄識壯夫

北禪龍井



城北神龍去幾年近日人言歸舊止澄潭沈沈不可  
近百步之外毛骨起今年興元軌愆雨衆懇問龍求  
滴水香煙纔上雲滿空一夜滂沱遍千里

送潘司理秘校二首

已自多時賦式微五峯佳景夢長飛四年遠地為官  
去萬里高堂喜客歸下馬便呈新授敕開箱爭認舊  
縫衣鄉人覓次來相賀蓴菜鱸魚正軟肥

又五言

曲棧繞斜谷鉤欄天際分吟歌搖嶺月倦枕佛浮雲  
好景不閑俗新詩皆屬君西南有歸客一一幸相聞

收復河湟故地

啞兒峽西山已塵馱金輦帛無斷磬河湟故疆盡收  
復解解厥角歸如雲堂中玉帶賜丞相隴外金節酬  
將軍唐兵萬里若日月請作古今人未聞

自斜谷第一偃泝舟上觀石門兩岸奇峯最為佳絕

北風吹雲落寒水逆波刺船行五里層巒夾空抱叢  
石萬兩劔側春翠烟起草木枝葉自殊別禽蟲羽巨亦  
奇詭安得鷄冠數稜田便可誅茅此居止

宿斗山奉真宮



山形如斗勢坡陀魁枕杓攜萬尺高近世無人知水  
棗峯四年有客得蟠朶雲蟾尚隱凝瓊髓神鶴常歸隨  
玉手一夜杉松響天籟滿空疑是奏雲璈

晴望漢川

城頭看雨霽天地若新浴晚容變雲霞秋意著草木  
四時易遷改萬事苦迫促舊山何日歸三徑有松菊

清景堂

公外捐塵慮閑中見物情蕉蒼紅炬密竹節粉環輕  
鷺泊簾鈎語蜂尋筆架鳴靜能知此趣吃吃笑勞生

梁山大雪

嚴風吹屋鳴向曉尤凜冽應從北山上一夜吹猛雪  
幽人不能飲身體冷如鐵空向龍具中苦吟聲不絕

寄夏文州左藏侑二首

翩翩貴公子佳譽本能文大第辭京輦高旌擁塞雲  
勸農唐刺史養士漢將軍莫刻和戎誓朝廷立功勲

其二

寄語文川守謀邊想甚勞封疆通鳥鼠種落雜猿猱  
甲馬廉頗少詩書郗縠高當須辦乃事不用恥弓刀

狗溪迎湫祈雨輒應

夏雨渴久矣秋苗憂槁然至誠通祝版靈貺逐香煙



桐板應無訟困倉定有年曹公三大堰一夜滿民田

晚興

衆吏晚已散西園常訪新覆基苔閣靜行藥草橋深  
草色晴承屐松陰密灑襟山蛇欲重賦倚竹聽清音

嘉川道中寄周正孺

草木春深後山川雨過時清佳常滿目衰倦敢忘詩  
好尚舊若此飄零今比誰爭如畫堂上日日聽新詞

還李中舍杞奉使集

奉使道中詩百首古人遺落盡真搜自憐吳蜀佳山  
水一夜燈前得遍遊

雪後寄景孺提刑時按洋川

雲陰低重雪卷繁天道歡誰引使軒何處郵亭鍊佳  
句絲毫揮罷索清鑠

寄永興吳龍圖給事三首

高春鈴下索焚香鏤管紋煖發絲章應在後園涼樹  
裏玄霜仙帽紫霓裳

其二

見山樓迥倚晴虛看展終南百幅圖聞說二林尤勝  
絕想公高興在香爐公別集

其三



土風豪盛古長安誰謂元侯臥治難使客不來公事  
少一休斲斲石林寒

不飲自嘲

能詩何水曹眼不識盃鐺而我豈解吟亦得不飲名  
持此以立世可笑實浪生

寄紀禪師

自笑塵中游宦客長輸林下坐禪僧水田百畝一區  
宅歸老城南何日能

中梁山寺

四絕

臺殿晻曖山蕉蕪雲霞祥明天  
次寒劍身下望壓塵

世安得羽翼凌九霄

其二

煙巒彩翠霜林紅層樓複閣雲霧中襟懷太爽睡不  
得一夜滿山鈴鐸風

其三

群峯南北爭嵯峨如瀉大壑翻衆波愛之欲把入圖  
畫世無好手將柰何

其四

上方梯磴繞崑頭誰就孤高更起樓直望漢江三百  
里一條如線下洋州



仙人二首

身著青羅緋衣裾口誦白羽黑翮文半空欲下復不  
下回首翩然歸五雲

又

頭梳三角髻餘髮散垂腰時伴秦樓女月明欲紫簫  
山堂前庭有奇石數種其狀皆與物形相類  
在此久矣自余始名而詩之

鸚鵡石

靜立身微聳驚窺首略回何人將至此應自隴山來

石枝名

紫鮮裝蒼帽紅藤纏臂憐被誰留斷拍長舞不教休

後倪石

巨尾蟠深草豐毛覆古苔雕欄臨綺席長欲上香臺

崑崙石

雨漬身如漆苔侵面若藍問時都不語應是憶扶南

羅刹石

洗濯形容露剜挑口眼通試教常點檢每夜定飛空

珊瑚石

海底初生處扶疎若未全幾時隨鐵網流落漢江邊

病眼



病眼每至午其視何曠曠安得張中書就欲求古方  
吾友務深有嘆琴之什運使子駿答之佳章  
務深亦使余繼作

白水滿方湖山中好秋色逋翁促瑤軫來坐湖水側  
臨風起高調此興浩無壺波靜戢游鱗雲空矯飛翼  
蕭條變林野萬籟一以息且莫緩商絃令人涕橫臆  
十三卷終

新刻石室先生丹淵集卷第十四

文同著

詩四十九首

子駿運使八詠堂八首

寶峯亭

嘉陵抱江回平衍出橫澁中間築雄壘獨據兩川會  
行臺敞嚴府磊砢北城外潭潭走群楹直上巒嶺背  
危墻繚空閣飛閣入茫昧上有寶峯亭仰見白雲內  
岩堯占孤絕下與萬山對層欄動寥廓曲檻桃闌闌  
主人從藍輦晚興在公退心掩萬象遠目引八壺大



鈎簾拂坐榻隱几緩衣帶詩書挾閑鍵筆硯產珠貝  
是時衆吏去不敢呈計會雖然彼郡邑原本窮利害  
自取金穀饒無煩米鹽碎此地寄清襟歲書從屢最

桐軒

晴影滿空壁晨曦上清軒庭下雙高桐枝葉蔚以繁  
種者忘自遠豈企群木論謂可緮朱絲中有雅韻存  
成之在誰手但為培霜根須知治世音盡付於此孫

栢軒

沈沈敞幽軒聳聳列寒栢清音納牕戶爽氣逼枕席  
主人重端勁坐若對佳客時復下撫摩破蘚交履跡

此意乃如是來者當愛惜大厦須良材相期早千尺

竹軒

此景絕可愛叢筠挺修竿侵簾復映幌翠影何擅樂  
霜威忌晚秀雨氣矜晴寒每向極靜時幽禽發清彈  
自無車馬塵飛來泊琅玕宜遣老鈴下日日申平安

李衛公言北地曠子寺有好竹其網維令人每報竹平安

巽堂

華堂聳嚴臺地勢側隨水高臨巽宮上其取名以是  
峩峩寶峯頂日影正辰已繚棧入雲林詰屈如篆字  
輕霏牙虧蔽亂樾紛間厠賓來獲清歡吏散生野思



靜見萬物本一一齊於此體道以行權端居得深旨

山齋

職事凡少休餘復不經眼幽齋設橫榻盡日對層巘  
遙懷寄浩蕩靜想榮巉巖松雨潤書窗竹風吹酒盞  
榮名付傲兀勝事入清簡雖有舊林泉何須嗟去晚

閑燕亭

靜宇占幽深是中何所有軒牕盍清潔硯席羅左右  
公餘每休此俗客曾不受六尺局脚床解帶就橫肘  
掃除閑景物徙筆當大帚敢問公許年得詩凡幾首

會景亭

誰茲敞高亭磴道統千巖江山接平遠百里俱會合  
人間最佳景牕戶供遠納煙雲互蔽虧蟲鳥相應答  
吟戲摘奇勝畫筆紛雜安得日從公短屐手自蠟

呈李堅甫中舍

往年曾憶過長安短紙書名詣門下君時延我坐終  
日洒掃東軒留看畫橫圖巨軸不知數但見匣中時  
一把甲猶未竟已復作門類著畚開滿架使人歎羨  
不能已只恨有門歸隔夜歸來兀坐想精絕念此榮  
觀若為謝就中寒林兩大幅此物世間誰敢價倏然  
一別十五載常向人前盛誇詫因君奉使館敝邑見



先問此余不暇君能為我再講說座上不容人俗話  
如君所蓄更誰有有亦未能無笑罵况君累世盡清  
職摹本敢來前弄詐君今還省正擢用異日須求作  
鄰舍我巾曳履日相謁更欲重煩開絕帔待尋前輩  
用心處款曲應須頻假借每厨閱訖當便還不敢奉  
欺言羽化

采茨

通判盧微之携種  
種之次年大盛

笑盤團團開碧輪城東壕中如疊鱗漢南父老舊不  
識日日岸上多少人駢頭鬚鬆露秋熟綠刺紅鍼割  
寒玉提籠當筵破紫苞老蚌一開珠一掬吹臺北下

疑祥池圃田東邊僕射陂如今兩處盡堙沒異日此  
地名應馳物貴新成味尤美可惜飄零還入水料得  
明年轉更多一匹清波流子子

峯鐵峽

東風吹空力何短三月隴山全未煖文法姦酋引騎  
兵飛隨銀鶻弓刀滿霜矛雪甲寒如水候卒何由知  
首尾君不見峰鐵峽頭雲色死一過蕭然五十里

周思道如詔亭

繁上先生教子時義方題榜貼亭楣當年此地開師  
席今日其言入制詞鄉里共傳為盛事鬼神相助使



前知後人若續成都記第一詳書不可遺

陵井喻氏歲寒山居

巖平處士居山日手種青松一萬根歲月漸深枝盡  
偃雪霜雖厚葉仍繁本營勝槩逃軒冕更結清風遺  
子孫寄語後人須愛護莫教空有令名存

提刑司勳示及暝禽圖作詩詠之

朱華盛發穿疎竹寒林齊枯徧野磯大雪蔽天方亂  
下衆禽爭地各相依非公好事誰能得此盡如今自  
已稀試待清明挂軒壁定開群眼一時飛

北齋雨後

小庭幽圃絕清佳愛北常教放吏衙雨後雙禽來  
竹秋深一蝶下尋花喚人掃壁開吳畫留客臨軒試  
越茶野興漸多公事少宛如當日在山家

北城樓上

滿目望不盡城樓當最高地形連楚闊山勢入秦豪  
平外斜通路深中遠認褒圖經何忙觀故事有蕭曹

晴登北城

積雨已逾月久妨於此行雲山勞夢想風日幸晴明  
常度往來處盡皆苔蘚生一壕新草木強半不知名  
寒食書事感懷



寥寥官舍靜於僧，雖有園亭亦倦登。桃杏蒼陰流似水，圖書滋味冷如冰。坐觀棨戟慙無狀，歸掃松楸恨未能。得報君恩便休去，虞卿前日本擔簦。

送李堅甫中舍奉使還闕

自兆西入蜀

會歌出塞愁，又遣使西州。去國星辰動，還家歲月流。鑿新砦晚，鄠杜故園秋。歸對延和殿，從容問講求。

漢中城樓二首

解帶綬幽憂，登城復上樓。斷煙橫沔水，孤鷺入洋州。浩蕩成遙望，淒涼起暮愁。山中自有種，何事此淹留。

其二

蘚徑踏層斑，高林古木間。鴈隨平楚遠，雲共太虛閑。晚靄昏斜谷，晴陽靄斗山。將身就清曠，名路爾何顏。

凝雲樹晚興

晚策倚危榭，群峯天際橫。雲陰下斜谷，雨勢落襄城。遠渡孤煙起，前村夕照明。遙懷寄新月，又見一稜生。

山堂偶書

幾日無公事，山堂興頗清。和詩防積墜，丸藥趁晴明。斲石新稜出，澆蔬晚甲生。此皆忙外得，低首笑塵纓。

清閣

治庭區紜紛，齋閣簡應接。身閑喜枕簟，慮靜厭圖謀。



孤芳媚深叢幽晔出密葉物理茲領會真境知可躡  
靜庵

問此初誰築經營羨爾能依深還巨木就蔭覆高藤  
坐與境同寂來無人可憎一床黃臥具茂灌本如僧  
忘憂堂

磴道循城近垣墻占地幽軒窓誰指畫硯席我優游  
不許簿書到恐為圖史羞此心元自適何處欲忘憂

夏日官舍

省事公多暇虛心景自長捨書無可樂就枕不能忘  
短葛沾肌薄寒泉沃肺涼何當逢靖節相與話羲皇

寄成都趙資政

纔承寵詔聯公鼎便謁除書別帝閣萬口一詞歌盛  
德四年三度福遐藩已為魁壘無雙士更入摩訶不  
二門應笑臨邛病痲客最先參見在江原

晴步西園

急雨正新震林端明晚霞松亭臨曠絕竹逕入款斜  
蒼落留深草泉生上淺沙稚圭貧亦樂一部奏池蛙

金影軒

開軒俯清溪正在脩篁內霜筠抱冰節爽氣常四會  
主人厭俗客日與此君對月上寒影來滿襟搖瓊碎



忽憶故園修竹因作此詩

故園修竹遶東溪  
占水侵沙一萬枝  
我走宦途休未  
得此君應是怪  
歸遲

寄景孺提刑時按武興

夾欄虛棧武興西  
使騎翩翩晚夕馳  
想過飛仙須下  
馬此中佳景入  
吟詩

子駿遊沙溪洞

聞有沙溪洞公將  
柅使輪還如探禹  
穴應見避秦人  
石繖形容古琳房  
氣象春若逢丹輦  
客問取虎文巾

送郭榮叔秀才應武舉

愛君才辯吐如傾  
圓直橫斜善講兵  
休弄向時閑筆  
硯破蠻征虜是功  
名

乞畫鴈寄涇州母使君

寒影亂翻秦嶺月  
晚行高處隴山雲  
回中有客能傳  
鴈異日從公乞一  
群

興元府園亭雜詠

甚美堂

潭潭棟宇盛宵宵  
軒窓闢高深與地  
稱可大張宴席  
府事如少休茲焉  
會佳客

武陵軒



水從前崑來轉入後溪去中間載酒下各到客前住  
醉後皆恍然再來無覓處

綠景亭

竹間有幽亭所宜惟暑飲層陰隔炎日四坐障綠錦  
過午不可留單絺覺微凜

激湍亭

高輪轉深淵下瀉石蟾口臨之設軒檻清絕更無有  
愛此山中來應須坐良久

凝雲榭

朝雲南山吐暮雲非山翕來往高榭中留者頗堆積

坐客如久之去須襟袖濕

照筠壇

積土削為壇陰然在深竹中惟一詩石獨坐擁寒玉  
勿謂人少知此境不容俗

桂石堂

嘗聞陽朔山萬尺從地起孤峯立庭下此石無乃似  
凌爾常獨來一日須三四

四照亭

巒嶺附梁山汀洲隨漢水秋容上屏障左右二百里  
此景誰能論殘霞獨憑几



垂蘿逕

長蘿託高株，曖曖蔽煙霧。垂蔓已百尺，更引欲何處。  
願少放餘條，恐傷君所附。

盤雲塢

幾曲上層城，盤盤次文石。爰之有佳趣，不倦縞晚策。  
禽蟲應見疑，日遇此狂客。

非軒

天上之貴神，所居皆在非。有軒正相望，慢恐取陰劾。  
余常過則趨，不敢茲少息。

棊軒

非城云最高，上復有喬木。垂蘿密如帳，中乃營小屋。  
時引方外人，百憂銷一局。

山堂


何以山名堂，層石作崖巘。桑本崑穴士，每往不欲返。  
公吏呈俗書，還來愧冠冕。

靜庵

知動以為幻，既知即非靜。名庵以靜者，無乃自起爭。  
為語庵中人，勿以靜為病。

第十四卷終







卷之四